




XLVII MOSTRA
de TEATRO GALEGO
de CARIÑO

Do 3 ao 9 de AGOSTO de 2025



DOMINGO 33

LUNS 44

MARTES 55

MÉRCORES 66

XOVES 77

VENRES 88

SÁBADO 99

DOMINGO 3

APERTURA da XLVII MOSTRA de TEATRO GALEGO de CARIÑO

Compañía Pedras de Cartón

— *MOBY DICK*

Praza da Pulida

13:00h.

Para todo público

Entrada: de balde

Creado a partir da afamada novela homónima de Melville, e xogando coa figura do gran cachalote protagonista -un enorme monicreque de tres metros-, esta é a historia de Ismael, un mozo que decide embarcar nun baleeiro onde vai vivir una chea de perigosas aventuras.

Compañía de danza Fran Sieira

— *UN BAILE CEIBE*

Praza da Pulida

21:00h.

Para todo público

Entrada: de balde

Peza contemporánea, de baile e música tradicional, arredor da relación entre o xénero e a nosa tradición, a presenza do xénero en distintos ámbitos sociais, e que é o xénero para nós, hoxe, como individuos e como sociedade. Unha reflexión sobre o xénero e os estereotipos sociais, a través de formas novas de entender a relación entre o corpo e o movemento.

LUNS 4

Teatro dos Ghazafellos & Magín Blanco

➤ A NENA E O GRILO CAMIÑO DAS CORES

Auditorio Municipal

12:00h.

Para público familiar

Entrada: 1,50€

Nena e Grilo van vivir unha aventura chea de sorpresas: os Ghazafellos descubrirán o mundo desde a perspectiva da cativada. Unha produción que consolida e amplía os obxectivos que se propuxo hai máis de quince anos: descubrir, pensar e valorar a amizade, os afectos, a diversidade e a igualdade.

Malasombra Produccións

➤ TESTOSTERONA

Auditorio Municipal

22:00h.

Para todo público

Entrada: 6€

O director dun importante medio de comunicación debe ceder o posto a un dos subdirectores: unha é muller, outro é un home. Que é o que máis vai influir na decisión final?: a capacidade?, o sexo?, a experiencia?, a audacia?, o engano?...

MARTES 5

Teatro del Andamio

➤ *A NOVA HISTORIA DA CIGARRA E A FORMIGA*

Auditorio Municipal

12:00h.

Para público familiar

Entrada: 1,50€

A nova historia da cigarra preguiceira e a formiga traballadora comeza tras unha noite de tormenta que vai mudar a vida da formiga -coidaba as flores e cantaba cancións que ninguén escoitaba- e a da cigarra -chega ao outeiro tras procurar durante moito tempo un mellor lugar onde vivir en paz. Unha historia para superar medos e facer na vida o que realmente queremos.

Grupo Chévere

➤ *AS FILLAS BRAVAS DE MOMÁN 2025*

Auditorio Municipal

22:00h.

Para público adulto

Entrada: 6€

Compañía gañadora do Premio Público Adulto 2024.
Paráselle entrega dun agasallo ao comezo da actuación.

Tres mulleres tocan e cantan o que lles peta, como fixeron súa nai e a nai de súa nai. Elas son fillas do vento, e viven en Momán, unha aldea onde todo é posible, modelos vencellados a expresións culturais tradicionais que agochan cantos de rebeldía e valorizan a muller nunha memoria e unha identidade colectiva. Espectáculo en lingua galega e en lingua de signos.

MÉRCORES 6

Compañía Píscore

➤ **MOLTO BARROCO**

Auditorio Municipal

12:00h.

Para público familiar

Entrada: 1,50€

Compañía ganadora do Premio Público Infantil 2024.
Faráselle entrega dun agasallo ao comezo da actuación.

Obra seleccionada no Festival de Almagro 2024

Esmendrellante paseo pola época e a música barroca, para facer rir a todos os públicos, nun espectáculo cómico e visual: clown, música clásica, composicións propias e unha moi coidada posta en escena son fonte de diversión pura.

Compañía Berrombambán

➤ **UBASUTE**

Auditorio Municipal

22:00h.

Para público adulto

Entrada: 6€

Peza aparentemente simple, de difícil clasificación, conxuga xéneros e reflexiona sobre o abandono. Dun xeito sutil, toca temas graves a través dun xoguete escénico livián que permite emprender múltiples viaxes, acompañando o tránsito de cada personaxe ou iniciando unha viaxe interior onde o espectador se reconece mentres se abandona ao implícito entre liñas.

XOVES 7

Naúfragos Teatro

BULE BULE

Auditorio Municipal

12:00h.

Para público familiar

Entrada: 1,50€

A Candela encántalle o mar e soña con ser patroa dun barco que ela mesma quere construír; pero non é doado ser patroa, e menos aínda facer un barco. Unha obra que explora os camiños da igualdade, destacando o esforzo por derrubar barreiras que impiden acceder a determinadas profesións.

Culturactiva Producións

NADA SE SABE

Auditorio Municipal

22:00h.

Para público adulto

Entrada: 6€

Coprodución co Centro Dramático Galego

Dúas actrices e dous actores, con discapacidade recoñecida, repasan diversas visións da diversidade funcional no teatro clásico, nunha adaptación de Filoctetes -traxedia de Sófocles- que presenta a idea da diferenza, da persoa discriminada que a sociedade non sabe ou non quere incluír. Un espectáculo único no teatro galego.



VENRES 8

Caramuxo Teatro

➤ **CRISÁLIDA**

Auditorio Municipal

12:00h.

Para público familiar

Entrada: 1,50€

Premio María Casares ao Mellor espectáculo Infantil 2024.

Para celebrar o vixésimo aniversario, a compañía presenta o seu vixésimo quinto espectáculo: unha comedia sobre a importancia do comercio tradicional nun mundo globalizado e cada vez máis dixitalizado. Homenaxe a un concepto de comercio que fomenta a convivencia e crea comunidade.

Compañía Galeatro

➤ **ARTE SEN GUIÓN**

Auditorio Municipal

22:00h.

Para público adulto

Entrada: 6€

Coprodución co Centro Dramático Galego

A derradeira banda de comedia da Idade Media vai presentar un espectáculo coma os que se representaban naquela época, pero, con tanta festa e tanta viaxe no tempo, esquece os diálogos. E non queda máis que a intuición e a música para guiar unha divertida función baseada na improvisación e o teatro cómico.

SÁBADO 9

Zirko Txosko

➤ **OH PERA!**

Praza da Pulida

12:30h.

Espectáculo de circo, para todo público

Entrada: de balde

Todo cambia, nada permanece, cada transformación dá paso a unha mancha de posibilidades. O mundo está composto por pezas elementais, o noso mundo está conformado por caixas que mudan en universos diferentes. Unha viaxe polas posibilidades da vida, polas eleccións que cada día facemos, unidas por unha materia escura: o amor.

Agrupación Assircopatas

➤ **ROGELIO III. LA FÊTE**

Praza da Pulida

21:00h.

Espectáculo de circo, para todo público

Entrada: de balde

Rogelio, o personaxe máis querido do circo galego, pecha aquí unha triloxía sobre a soidade: el vai celebrar o seu aniversario, e só falta que veñan os amigos, así que hai que saber agardar. Un espectáculo con malabares, equilibrios, música e moito humor para toda a familia.





Borxa Guerrero Parapar